



**Sekolah Menengah Melayu Perempuan “Geylang Craft Center” Dipuji Kemajuannya  
Penuntut-penuntutnya berpeluang bekerja dengan kerajaan dan gudang-gudang perniagaan**

Hasil perusahaan tangan penuntut-penuntut Sekolah Menengah Melayu Perempuan “Geylang Craft Center” yang telah dipamerkan dengan jayanya pada “Hari Ibu Bapa” baharu-baharu ini telah dipuji oleh kerajaan dan maSharakat Melayu Singapura.

Dalam ucapannya, ketika merasmikan pembukaan pameran sekolah tersebut, Encik Ya‘kob Mohamad, Setiausaha Parlimen kepada Perdana Menteri Singapura telah menyatakan rasa besar hatinya melihat kemajuan yang telah dicapai oleh sekolah itu.

Beliau telah menyeru penuntut-penuntut yang sedang menampung ilmu di situ, supaya belajar bersungguh-sungguh sehingga berjaya, kerana pelajaran-pelajaran yang lengkap yang diajarkan di sekolah itu membolehkan mereka bekerja dengan kerajaan dan gudang-gudang perniagaan.

Bukan setakat itu sahaja, kata beliau lagi, tetapi hendaklah pelajaran itu dikembangkan pula kepada maSharakat kampung masing-masing.

Seyogia disebut, bahasa pengantar di sekolah ini ialah Bahasa Kebangsaan manakala bahasa Inggeris hanya satu mata pelajaran di dalamnya. Sekolah ini yang sukanan pelajarannya selama 4 tahun disediakan untuk pelajar-pelajar perempuan yang telah tamat pelajaran rendah. Kelulusannya setaraf dengan Sijil Pelajaran Awam.

Selain daripada pelajaran persekolahan biasa, penuntut-penuntutnya diajar masak memasak, menjahit, ilmu mengurus rumah tangga, rawatan, taip menaip dan trengkas.

Penuntut-penuntut yang lulus berpeluang menjadi guru, kerani pejabat, dan lain-lain lagi.

Gambar atas: Encik Ya‘kob Mohamad Setiausaha Parlimen kepada Perdana Menteri Singapura sedang berucap dalam majlis itu.



Dif-dif yang dihormati sedang mendengar penerangan dari Cikgu Zawiyah binti Abdullah, Guru Besar Sekolah Geylang Craft Center, tentang hasil perusahaan tangan murid-muridnya. Di sebelah kiri Cikgu Zawiyah ialah Encik Ya'kob Mohamad Setiausaha Parlimen kepada Perdana Menteri, Encik Arif Suradi anggota Dewan Perhimpunan Undangan, dan Cikgu Ahmad Shahrom Nazir Sekolah-sekolah Melayu Singapura (Kumpulan Tiga), manakala di sebelah kanannya ialah Encik Abdul Rahman Hasan Pengarah Pelajaran Trengkas Melayu (Malaya).



Penuntut-penuntut Sekolah Geylang Craft Center sedang menaip.